

Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **81 (2019)**

Heft 2: **Quer denken - kreativ handeln**

PDF erstellt am: **22.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

100 ons Aviöl, ün'istorgia da lunga dürada – ün'istorgia da success

Chi nu tilla cugnuoscha, la gazettina rumantscha per scolaras e scolars ladins?
Garanti cha mincha uffant dal ultim tschientiner ha tgnü in man tala gazettina.

DA MADLAINA SCHLOETH BEZZOLA, MAGISTRA ED ACTUALMAING REDACTURA
PRINCIPALA DA L'AVIÖL

Nus festagiain la 100avla ediziun da l'Aviöl, la gazettina pels uffants ladins. Dürant il mais da december 1916, dimena avant passa 100 ons, es cumparüda la prüma vouta üna gazettina per uffants ladins. Ils redactors da quella jada d'eiran ils magisters Loringet e Gotsch da Scuol. In seguit es lura cumparü minch'on ses voutas l'on l'Aviöl, quai cun excepziun da duos ons d'urant la Segunda guerra mundiala: Perquai festagiaina quist on scolastic 2018/2019 seis giubileum da la 100avla annada. Tanter la prüma e la 100avla annada haja dat grondas differenzas bain visiblas. Tuot las 600 gazettinas sun dal rest avantman aint il Archiv Cultural Engiadina Bassa a S-chadatsch, tanter Martina e Strada (chasa da scoula veglia). Tenor curvegna po gnir fixà ün termin per avair invista a tuot las annadas da l'Aviöl.

L'ideologia da quella jada d'eira da promouwer l'amur e'l dalet per la lingua

ladina, vallader e puter, e dad esser ün bun passatemp. L'Aviöl procuraiva da quel temp litteratura ladina e pisseraiva per ün passatemp instructiv cun raquints multifaris da bes-chas ed ambiain, da pövels e pajais, da chanzunettas e da poesias, da versins, proverbis ed ingiavineras.

Quista cuturella s'ha mantgnüda fin hoz. Chi sa scha'ls iniziants da quella vouta as vessan imaginats, cha lur creaziun survivarà mincha crisina e crisetta rumantscha e dvantarà üna jada «veglia sco la crappa»?

Lur ideologia viva amo adüna. Grazcha a redacturas e redactors ingaschats i'l ravuogl da la magistraglia ladina cumpara eir hozindi amo l'Aviöl ses voutas l'on in tuot las scoulas ladinas, dimena in Engiadin'Ota, Engiadina Bassa ed in Val Müstair. Edida vain'la da la CGL (Conferenza Generala Ladina) chi'd es fermamaing ingaschada da mantegner quista creaziun a favur dals uffants ladins.


Implü as porta l'Aviöl sless, dimena tras ils abunents bainvugliants e fidels.

Il cuntgnü slessa nu s'ha müdà ferma-maing. Eir scha l'Aviöl es creschü ad üna gazettina da 28 paginas. Eir hoz as chatta amo adüna ün sachin plain nuschiaglia, quai sun ingiavineras e rumpatestas per testas finas da scolaras e scolars da la 1. fin 9avla classa. Plünavant pisseran redacturas e redactors motivats cha'ls uffants ladins survegnan lectüra instructiva. Suvent vegnan resguardadas tematicas contemporanas tuot tenor stagium, dimena ideal per integrar eir in l'instrucziun da scoula. Bleras scolaras e blers scolars schoglian las ingiavineras e tillas tramettan a la redacziun in spranza da surgnir ün bel premi.

Minchatant esa apunta da strichar ün zich meil suot il nas per restar attractiv. Nus dal team da l'Aviöl sperain da's pudair furnir eir in avegnir üna varietà da litteratura divertenta ed instructiva.

E chi sa – forse survivarà la gazettina ladina in üna o tschella fuorma eir ils prossems tschient ons – !

Il team da redacziun actual as cumpuona dad Anna Mathis, Seraina Fedi, Selina Kurath, Duri Janett e Madlaina Schloeth.



< 8 paginas sün ün fögl A4
cuosts d'abunamaint : 40 rp

28 paginas in culur >
cuosts d'abunamaint : 15.-

